

Powšitkowne WOZJEWJENJA

njedźelu, 13. februara 2022

Wusyłanje Božeu mšow

Serbskorěčnej Božej mši móža wěriwi tutu njedźelu, 13. februara, znova jako live-stream w interneće scěhować. Jedne kemše přenjesu so we 8.30 hodź. z Kulowskeje, dalše w 9 hodź. z Chróšćanskeje cyrkweje. Linkaj na njej stej w interneće pod www.posol.de a na wosadnymaj stronamaj podatej.

Kemše na swjateju Cyrila a Metoda

Na Božu mšu na swjedženju japoštołow Słowjanow, swjateju Cyrila a Metoda, póndźelu, 14. februara, su wšitcy člonoj Towarstwa Cyrila a Metoda z.t. (TCM) a dalši zajimcy do Bačońskeje cyrkweje přeprošeni. Wone zahaja so w 19 hodź. Hłowna zhromadźizna TCM ma so po dotalnym planje pjatk, 13. meje, wotměć.

Zetkanje samostejacych

Samostejacy ze serbskich wosadow su na swoje přichodne zetkanje wutoru, 22. měrca, w 14 hodź. do Smochčanskeho kubłanišća swjateho Bena přeprošeni. Zajimcy njech so prošu hač do wutory, 15. měrca, w redakciji Katolskeho Posoła přizjewja, telefonowe čisło (0 35 91) 55 02 12. Tež dalši zajimcy su wutrobne witani. Kóždy njech sej prošu Wosadnik a nahubnik sobu přinjese, wšako maja so hygieniske předpisy kubłanskeho domu dodžeržeć. Štóz chce wotewzaty być, njech to prošu zdžěli. Wobkedźbować ma so tohorunja, zo płaci za zetkanje regula 2G. Wobdželić móža so jeničce pře koronu šćěpjeni a wot njeje wustrowjeni.

Serbske kemše w Drježdžanach

Drježdžanscy Serbja su na maćernorěčnu Božu mšu njedźelu, 6. měrca, w 16 hodź. přeprošeni. Wona wotměje pak so tónraz w cyrkwi Jězusoweje wutroby w Drježdžanach, Borsbergowa 15/17. Hač do jutrow přewodža tamnišu wosadu křižowy puć serbskeje wuměłče Isy Bryccynej. Do a po kemšach wobsteji móžnosć, sej jón wobhladać a so při někotrych stacijach pomodlić. Tež dalši Serbja z Łužicy su witani. Aktualne postajenje pandemije maja so wobkedźbować.

Eksercicije w póstnym času

Pod hesłom „Harmoniju začuwać“ přeprošuje Budyski klóšterk klarisow tež lětsa zaso na eksercicije we wšědnym žiwjenju. W tydženskich zetkanjach, kotrež wotměja so stajnje wutoru wot 19.00 do 20.30 hodź. na žurli Jandželoweho domu klóšterka, zhladuja wobdžělnicy mjez druhim na sebje samych, na sobučłowjekow kaž tež na žiwjenje a smjerc. Pozadk tutech eksercicijow twori slónčna pěseń swjateho Franca Assisiskeho. Přenje zetkanje budže wutoru, 8. měrca, dalše 15., 22. a 29. měrca kaž tež 5. a 20. apryla. Po potrebjce wutwori so druha skupina, kotraž zetka so stajnje póndźelu wot 15.30 do 17.00 hodź. na samsnym městnje. Přizjewjenja přijimuju klarisy telefonisce pod čisłom (0 35 91) 21 10 83 abo z mejlku na klarissen@gmx.de hač do popjelneje srjedy,

2. měrca. Zdobom wone na to skedźbnjeja, zo płaći regula 3G. Wobdželić smědža so potajkim jeničce z korony wustrowjene, pře nju šćěpjene a aktualne na koronu negativnje testowane wosoby.

Bosćanowa wustajeńca w Kamjencu hišće přistupna

Wustajeńca wo česćowanju swjateho Bosćana w Chróšćanskej wosadze je hišće hač dosrjedź měrca w Kamjenskim sakralnym muzeju cyrkwje swjateje Hany přistupna. Boži dom je wot pónđzele do pjatka stajnje wot 10 do 16 hodź. kaž tež sobotu a njedźelu wot 11 do 16 hodź. wotewrjene.

Pytaja wosobu za džěćacu pastoralku

W dekanatnym dušepastyrstwe za džěći a młodzinu we Worklecach ma so k přichodnemu móžnemu terminu njewobmjezowane džěłowe městno w pastoralce za džěći wobsadzić. Tydženski džěłowy čas wučinja 20 hodźin. Wuměnenja su mjez druhim nabožno- abo socialnopedagogiska kwalifikacija, zajim za žiwjenski swět džěći a swójbow, wobknježenje serbskeje rěče, zakładne znajomosće projektowego managementa, zwólniwosć, tež wječor abo sobotu a njedźelu džělać kaž tež přezjednosć z nadawkami, službu a žiwjenjom katolskeje cyrkwje. Pisomne požadanja přijimuje personalny wotrjad biskopskeho ordinariata, Käthe-Kollwitz-Ufer 84, 01309 Drježdźany, hač do njedzele, 27. februara. Podložki móža so tež digitalnje zapodać, a to z mailku na bewerbung@bddmei.de. Link na nadrobne wupisanje džěłoweho městna nańdu zajimcy pod www.posol.de.

Akciji za pory a swójby w póstnym času

Džěłowa skupina za katolske swójbne kubłanje (AKF) přeprašuje pory a swójby k wšelakim akcijam w póstnym času. Pod hesłom „7 tydzenjow lóšo“ dawa AKF nastorki, sej čas mjez popjelnej srjedu a jutrami wědomje wuhotować. Za wobě cilowej skupinje maja tydženske póstne listy z nastorkami a impulsami spřihotowane. Nimo toho steja přewodne teksty a předłohi za Bože služby k dispoziciji. „Runje w času koronoweje pandemije skići póstny čas dobre šansy, po wěrye zhromadnje žiwi być a ju reflektować“, rozłóži předsyda komisije za mandželstwo a swójbu biskopskeje konferency, Berlinski arcybiskop Heiner Koch. Kaž AKF zdžěli, su pory kaž tež swójby z džěćimi zakładnošulskeje staroby z listami k rozdžělnym tydženskim temam přeprašene, zo bychu sej swoje swójbne žiwjenje a partnerstwo z drugeje perspektiwy wobhladali a zaznawali. Zajimcy měli poskitk abonować, kotryž je darmotny. Linkaj k přizjewjenju za pory respektiwne swójby stej pod www.posol.de wozjewjenej.

Jězba w lěću za šulerjow 5. do 8. lětnika

Dekanatne dušepastyrstwo džěći přeprašuje šulerjow 5. do 8. lětnika w lětnich prózdninach na jězbu do Lückendorfa w Žitawskich horach. Wona wotměje so wot pónđzele do pjatka, 15. do 19. awgusta. Přizjewjenja přijimuja hač do soboty, 30. apryla, online. Link je pod www.posol.de podaty.